



## Kaupae 1 Hauora 2023

### 92059 Te tautohu i ngā āhuatanga matua o te whanaungatanga me te hononga ki te oranga

Whiwhinga: 5

Kairangi	Kaiaka	Paetae
Ka whakamārama i ngā āhuatanga matua o te whanaungatanga me te hononga ki te oranga.	Ka whakaahua i ngā āhuatanga matua o te whanaungatanga me te hononga ki te oranga.	Ka tautohu i ngā āhuatanga matua o te whanaungatanga me te hononga ki te oranga.

## TAUIRA TAUAROMAHI

An expected learner response is an example of an acceptable learner response for this standard. An annotated exemplar for this standard will be developed as NZQA receive ākongā evidence.

## Kia eke ki te Kairangi (K8)

Ka whakamārama i ngā āhuatanga matua o te whanaungatanga me te hononga ki te oranga:

- Ka whakatau i ngā tino āhuatanga matua o te whanaungatanga.
- Ka whakamārama i te hononga o te whanaungatanga ki te oranga.
- Ka āta taunakitia ngā whakaaro ki ngā kōrero tautoko huhua.
- Ka āta kōrerohia ngā taipitopito me ngā take i pērā ai te whakaaro. Arā, ka whakautu i te pātai 'He aha ai?', i te 'Ka pēwhea?' rānei.

### Ngā kōrero pitopito: (He TAUIRA Tauaromahi tēnei)

I whakatauhia e te ākonga te tupu mai o te whakawhanaungatanga kei waenganui i ngā kaihaka e 3, nō ngā kura rerekē, ā, kāore anō ngā kaihaka kia tūtaki.

I whakamāramahia ngā tūranga matua o te kapahaka me ngā mahi o ia tūranga. I aro ki te āhua o ngā tangata ka whakahaere aua tūranga mahi me ngā hua pai, hua kāore i pai mō te kapahaka.

I whakarōpūngia ngā ākonga e te kaiako kia 4 ngā rōpū mahi. He rōpū mahi ēnei mō te roanga ake o ngā noho kapahaka. He rautaki whakawhanaungatanga tēnei. He rōpū mahi ngātahi. He taitama, he taitamāhine. He tuakana, he teina.

I whakaatu i te rārangi mahi taka.

I whakamāramahia ngā hua o te mahi ngātahi me ngā hua mō te rōpū kapahaka whānui tonu.

I whakamāramahia ngā au piki o te mahi ngātahi me te whai tauira hoki, hei tauira he mahi horoi rīhi, he mahi whakarite kai.

I aro ki ngā au heke, ara, ki te kore te rōpū e mahi ngātahi, he aha ngā hua.

I whakamāramahia ngā take i au piki ai, i au heke ai te rōpū me ētahi rautaki e kaha ake ai te mahi ngātahi.

## **Kia eke ki te Kaiaka (K6)**

Ka whakaahua i ngā āhuatanga matua o te whanaungatanga me te hononga ki te oranga:

- Ka whakaputa whakaaro huritao ki ngā momo āhuatanga matua o te whanaungatanga.
- Ka whakaahua i te hononga o te whanaungatanga ki te oranga.
- Ka āta taunakitia ngā whakaaro.
- Ka āta kōrerohia ngā taipitopito.

### **Ngā kōrero pitopito: (He TAUIRA Tauaromahi tēnei)**

I kōrerohia te ākongā mō tana tīma waka ama.

He whakarite, he whakangūngū te mahi mō ngā whakataetae ā-kura tuarua.

I whakaahuatia ngā āhuatanga o te whanaungatanga hei oranga mō te tīma waka ama.

I whakaahuatia te wā taka whakangūngū.

I whakaahuatia ngā kawenga o ia kaihoe.

I whakaahuatia ngā au piki, ngā au heke hoki me ngā hua i puta mō te tīma.

I whakaputa whakaaro huritao mō ētahi āhuatanga o te whanaungatanga i whakaahuatia.

## Kia eke ki te Paetae (P4)

Ka tautohu i ngā āhuatanga matua o te whanaungatanga me te hononga ki te oranga:

- Ka whiriwhiri, ka whakaputa whakaaro ki ngā momo āhuatanga matua o te whanaungatanga.
- Ka tautohu i te hononga o te whanaungatanga ki te oranga.
- Ka taunakitia ngā whakaaro.

### Ngā kōrero pitopito: (He TAUIRA Tauaromahi tēnei)

I tautohua e te ākonga ētahi āhuatanga matua o te whanaungatanga i tana rōpū hākinakina.

I tautohua e te ākonga ētahi kawenga hei oranga mō te rōpū hākinakina.

I whakaputaina whakaaro mō ngā rā i eke, i hinga rānei te rōpū hākinakina.

I tautohua ngā āhuatanga o te whanaungatanga me ngā take i eke, i hinga rānei te rōpū.

I taunakitia ngā whakaaro ki ētahi tauira.